



UNIVERSITÄTS-
BIBLIOTHEK
PADERBORN

Universitätsbibliothek Paderborn

Defensio Abbatiae Imperialis S. Maximini

Zyllesius, Nicolaus

Treveris, 1638

39. Caroli Quarti Imper. Diploma Dat. Treuiris, Anno MCCCLIV. VII. Kal.
Martij.

urn:nbn:de:hbz:466:1-14268

quemcunque, cuiuscunque status vel prominentiæ existant, aliquam iniuriam, turbationem, violentiam aut molestiam inferri, seu aliquo modo irrogari. In eo nostræ Celsitudini, frater charissime, exhibetis gratitudinem & complacentiam singularem. Datæ Treuiris Anno Millesimo, trecentesimo, quinquagesimo quarto. Indictione septima, octauo Kalend. Martij. Regnorum nostrorum Anno octauo.



39.

*Caroli IV. Imperatoris Diploma, Datum Treuiris Anno
MCCCLIV. VII. Kal. Martij.*

CAROLVS DEI gratia Romanorum Rex semper Augustus, & Bohemiæ Rex. Vniuersis præsentis Litteras inspecturis, harum serie patefiat, quod nos ob singularis ardoris affectum, quem ad honorabilem & Religiosos, Abbatem & Conuentum Monasterij S. Maximini extra muros Treuirenses, deuotos nostros, dilectos semper gessimus & gerimus in præsentis, volentesque ipsos vbilibet prosequi fauoribus gratiosis, præfatos, Abbatem & Conuentum cum omnibus & singulis eorum bonis, Oppidis, Villis, Iuribus, Libertatibus, possessionibus, redditibus, hominibus, seruatoribus, familiaribus, vbicunque locorum sitis, in nostram, ac Sacri Romani Imperij recipimus protectionem, guardiam & defensionem singularem. Quapropter mandamus & districtè præcipimus gratiæ nostræ sub obtentu omnibus & singulis Principibus, Prælatibus, Comitibus, Baronibus, Nobilibus, Aduocatis, Militibus, Clientibus, Iudicibus & Consulibus ac Ciuibus Ciuitatum, cæterisque nostris & Imperij subditis & fidelibus, præsentibus & futuris, quibus præsentis exhibitæ fuerint: quatenus præfatos, Abbatem & Conuentum dicti Monasterij ac homines, bona & reddi-

tus, ac Iura ipsorum ab omnibus iniurijs, molestijs, turbationibus & violentijs quibuscunque nominibus censeantur auctore Regiâ protegant, manu teneant, defendant gratiosius & conseruent, quoties ipsis erit necesse & opportunum, vel super eo per prædictos, Abbatem & Conuentum, aut eorum Procuratores & Nuntios fuerint specialiter requisiti: Si quis autem contra præfatam gratiam nostram friuolè attentare præsumperit, indignationem Regiam & pœnam grauissimam, & præsertim viginti Marcharum auri puri: quarum medietatem Fisco Regio, aliamque medietatem antedictis, Abbati & Conuentui applicari volumus, quoties id contra eandem gratiam nostram temeraria præsumptione attentatum fuerit, se nouerit infallibiliter incursum, præsentium sub nostræ Maiestatis Sigillo testimonio litterarum. Datum Treuiris, Anno Domini Millesimo, Trecentesimo, quinquagesimo quarto. Indictione VII. septimo Kal. Martij Regnorum nostrorum anno octauo.

40.

*Caroli IV. Imperatoris Diploma Datum Treuiris, Anno
MCCCLIV. VI. Kal. Martij.*

KAROLVS DEI gratia Romanorum Rex semper Augustus, & Bohemiarum Rex. Ad vniuersorum notitiam tenore præsentium volumus peruenire. Quod oblata nobis per honorabilem & Religiosos Ottonem Abbatem, totumque Conuentum Monasterij S. Maximini extra muros Ciuitatis Treuirensis, ordinis S. Benedicti, deuotos nostros dilectos, supplex petitio continebat: quatenus sibi litteras continentiarum infra scriptarum, & omnia contenta in eisdem, quondam à diuis Imperatoribus, & Romanorum Regibus, prædecessoribus nostris concessas de solita benignitatis nostræ clementia approbare, & confirmare gratiosius dignaremur. Quarum tenor sequitur in hæc verba. In Nomine sanctæ & indiuiduæ Trinitatis. Henricus diuina fauente clementia Rex. Quoniam Regalis antecessorum nostrorum prouidentia & sollicitudo in construendis, constructisque stabiliendis Dei Ecclesijs pie iugiter inuigilauit: Idcirco benignissima Christi miseratione (in cuius manu Regum corda vel iura consistunt) Regni illorum diuturnitas pacificata viguit & effloruit, vnde nos pie salubriterque de nostri regni statu tractantes, deuotamque illorum sollicitudinem imitari cupientes, &c. prout habetur sub Num. 26. Nos itaque prædictorum, Abbatis & Conuentus, iustis & rationabilibus petitionibus benignius annuentes, supra scriptas litteras, omniaque in eis contenta, in omnibus suis clausulis & sententiis maturo præhabito consilio, certa que nostra scientia, & de plenitudine regiarum potestatis, sicut dignè possumus & debemus, & prout prouidè & rationabiliter processerunt, approbamus, innouamus, ratificamus, & præsentis scripti patrocinio confirmamus. Volentes & decernentes expressè supra dicta omnia & singula, & eorum quodlibet, vt præmittitur, obtinere perpetui roboris firmitatem. Nulli ergo omnino hominum liceat hanc nostræ confirmationis gratiam infringere, aut ei ausu temerario quomodolibet contraire: Si quis autem secus attentare præsumperit, indignationis regiarum aculeum & pœnam grauissimam ad arbitrium nostrum infligendam se nouerit irremissibiliter incursum, præsentium sub nostræ Maiestatis Sigillo testimonio litterarum. Datum Treuiris, Anno Millesimo, Trecentesimo, quinquagesimo quarto: Indictione septima VI. Kal. Martii. Regnorum nostrorum Anno octauo.